

摘藻堂四庫全書薈要

集部

欽定四庫全書薈要

集部

樂府詩集卷六十八

六至

詳校官候選知縣臣吳甸華



欽定四庫全書薈要卷一萬九千七百七十九

集部

樂府詩集卷六十六

宋 郭茂倩 編

雜曲歌辭

結客少年場行

鮑 照

後漢書曰祭遵嘗為部吏所侵結客殺人  
曹植結客篇曰結客少年場報怨洛北邙  
樂府解題曰結客少年場行言輕生重義



慷慨以立功名也廣題曰漢長安少年殺  
吏受財報仇相與探丸為彈探得赤丸斫  
武吏探得黑丸殺文吏尹賞為長安令盡  
捕之長安中為之歌曰何處求子死桓東  
少年場生時諒不謹枯骨復何塋按結客  
少年場言少年時結任俠之客為遊樂之  
場終而無成故作此曲也

驄馬金絡頭錦帶佩吳鉤失意杯酒間白刃起相讐追

兵一旦至負劒遠行遊去鄉三十載復得還舊丘升高

臨四關

一作塞

表裏望皇州九衢平若水雙闕似雲浮扶

宮羅將相夾道列王侯日中市朝滿車馬若川流擊鐘  
陳鼎食方駕自相求今我獨何為輶轡懷百憂

同前

劉孝威

少年本六郡遨遊遍五都挿腰銅匕首障面錦塗蘇鷲  
羽裝銀鏑犀膠飾象弧近發連雙兔高彎落九鳥邊城  
多警急節使滿郊衢居延箭箠盡踈勒井泉枯正蒙都

護接何由憚險途千金募惡少一麾擒骨都勇餘聊感  
鞠戰罷戲投壺昔為北方將今為南面孤邦君行負弩  
縣令且前驅

同前

庾信

結客少年場春風滿路香歌撩李都尉果擲潘河陽折  
花遙勸酒就水更移牀一作今年喜夫壻新拜羽林郎  
定知劉碧玉偷嫁汝南王

同前

孔紹安

結客佩吳鉤橫行度隴頭雁在弓前落雲從陣後浮吳  
師驚燧象燕將警奔牛轉蓬飛不息冰河結未流若使  
三邊定當封萬里侯

同前

虞世南

韓魏多奇節倜儻遺名利共矜然諾心各負縱橫志結  
友一言重相思千里志綠沉明月弦金絡浮雲轡吹簫  
入吳市擊筑游燕肆尋源博望侯結客遠相求少年重  
一顧長驅背隴頭皸皸霜戈動耿耿劒虹浮天山冬夏

雪交河南北流雲起龍沙暗木落雁行秋輕生徇知己  
非是為身謀

同前

虞羽客

幽并俠少年金絡控連錢竊符方救魏擊筑正懷燕輕  
生辭鳳闕揮袂上祁連陸離橫寶劍出沒驚徂旃蒙輪  
恒顧敵超乘忽爭先摧枯逾百戰拓地遠三千骨都魂  
已散樓蘭首復傳龍城含曉霧瀚海隔遙天歌吹金微  
返振旅玉門旋烽火今已息非復照甘泉

同前

盧照隣

長安重游俠洛陽富才雄玉劍浮雲騎金鞍明月弓  
鬪雞過渭北走馬向關東孫賓遙見待郭解暗相通  
不受千金爵誰論萬里功將軍下天上虜騎入雲中  
烽火夜似月兵氣曉成虹橫行徇知己負羽遠征戎  
龍旌昏朔霧鳥陣卷寒風追奔瀚海咽戰罷陰山空  
歸來謝天子何如馬上翁

同前

李白

紫驚黃金瞳啾啾

一作稜稜

搖綠髮平明相馳逐結客洛門

東少年學劒術凌轢白猿公珠袍曳錦帶匕首挿吳鴻  
由來萬夫勇挾此生雄風託交從劇孟買醉入新豐笑  
盡一杯酒殺人都市中羞道易水寒從今日貫虹燕丹  
事不立虛沒秦帝宮武陽死灰人安可與成功

同前

沈彬

重義輕生一劒知白虹貫日報讐歸片心惆悵清平世  
酒市無人問布衣

少年子

王融

聞有東方騎遙見上頭人待君送客返桂釵當自陳

同前

吳均

董生能巧笑子都信美目百萬市一言千金買相逐不  
道參差菜誰論窈窕淑願言奉繡被來就越人宿

同前

李百藥

少年飛翠蓋上路動金鑣始酌文君酒新吹弄玉簫少  
年不歡樂何以盡芳朝千金笑裏面一搦抱中腰掛冠

豈憚宿迎拜

一作落珥

不勝嬌寄語少年子無辭歸路遙

同前

李白

青雲年少子挾彈章臺左鞍馬四邊開突如流星過金  
九落飛鳥夜入瓊樓卧夷齊是何人獨守西山餓

少年樂

李賀

芳草落花如錦地二十長遊醉鄉裏紅纓不重白馬驕  
垂柳金絲香拂水吳娥未笑花不開綠鬢聳墮蘭雲起  
陸郎倚醉牽羅袂奪得寶釵金翡翠

同前

張 祐

二十便封侯名居第一流  
綠鬟深小院清管下高樓  
醉把金船擲閑敲玉鐙遊  
帶盤紅鼯鼠袍研紫犀牛  
錦袋歸調箭羅鞋起撥毬  
眼前長貴盛那信世間愁

少年行三首

李 白

擊筑飲美酒劒歌易水湄  
經過燕太子結託并州兒  
少年負壯氣奮烈自有時  
因聲魯句踐爭情一作博勿相欺

五陵年少金市東銀鞍白馬度  
春風落花踏盡遊何處

笑入胡姬酒肆中

君不見淮南少年遊俠客  
白日迷獵夜擁擲呼盧百萬  
終不惜報讐千里如咫尺  
少年遊俠好經過渾身裝束  
皆綺羅蘭蕙相隨喧妓女風光去處滿笙歌  
驕矜自言不可有俠士  
堂中養來久好鞍好馬乞與人十千五千  
旋沽酒赤心用盡為知己黃金不惜栽桃李  
桃李栽來幾度春一回花落一回新  
府縣盡為門下客王侯皆是平交人  
男兒百年且樂命何須徇書受貧病男兒百年

且榮身何須徇節甘風塵衣冠半是征戰士窮儒浪作  
林泉民遮莫枝根長百丈不如當代多還往遮莫親姻  
連帝城不如當身自簪纓看取富貴眼前者何用悠悠  
身後名

同前四首

王維

新豐美酒斗十千咸陽遊俠多少年相逢意氣為君飲  
繫馬高樓垂柳邊

漢家君臣歡宴終高義雲臺論戰功天子臨軒賜侯印

將軍佩出明光宮

出身仕漢羽林郎  
初隨驃騎戰漁陽  
孰知不向邊庭苦  
縱死猶聞俠骨香

一身能臂兩雕弧  
虜騎千羣只似無  
偏坐金鞍調白羽  
紛紛射殺五單于

同前二首

王昌齡

西陵俠年少  
送客過長亭  
青槐夾兩路  
白馬如流星  
聞道羽書急  
單于寇井陘  
氣高輕赴難  
誰顧燕山銘

走馬還相尋西樓下夕陰結交期一劍留意贈千金高  
閣歌聲遠重闕柳色深夜閑須盡醉莫負百年心

同前

張籍

少年從出獵長楊禁中新拜羽林郎獨到輦前射雙虎  
君王手賜黃金鐙日日鬪雞都市裏贏得寶刀重刻字  
百里報讐夜出城平明還在倡樓醉遙聞虜到平陵下  
不待詔書行上馬斬得名王獻桂宮封侯起第一日中  
不為六郡良家子百戰始取邊城功

同前三首

李嶷

十八羽林郎戎衣事漢王  
臂鷹金殿側挾彈玉輿旁  
馳道春風起陪遊出建章

侍獵長楊下承恩更射飛塵生  
馬影滅箭落雁行稀薄  
莫歸隨仗聯翩入瑣闈

玉劒膝邊橫金杯馬上傾  
朝遊茂陵道暮宿鳳凰城  
豪吏多猜忌無勞問姓名

同前

劉長卿

射飛誇侍獵行樂愛聯鑣薦枕青娥艷鳴鞭白馬驕曲  
房珠翠合深巷管弦調日晚春風裏衣香滿路飄

同前四首

令狐楚

少小邊州慣放狂騏驎蓄馬射黃羊如今年事無筋力  
猶倚營門數雁行

家本清河住五城須憑弓箭得功名等閒飛鞚秋原上  
獨向寒雲試射聲

弓背霞明劒照霜秋風走馬出咸陽未收天子河隍地

不擬回頭望故鄉

霜滿中庭月過樓  
金罇玉柱對清秋  
當年稱意須為樂  
不到天明未肯休

同前二首

杜牧

官為駿馬監職帥羽林兒  
兩綬藏不見落花何處期  
獵鼓白玉鐙怒袖紫金鉞  
田竇長留醉蘇辛曲護歧  
豪持出塞節笑別遠山眉  
捷報雲臺賀公卿拜壽卮

連環羈玉聲光碎  
綠錦蔽泥虬卷高春風  
細雨走馬去

珠落璀璨白蜀袍

同前三首

杜甫

莫笑田家老瓦盆  
自從盛酒長兒孫  
傾銀注玉驚人眼  
共醉終同卧竹根

巢燕養雛渾去盡  
紅花結子已無多  
黃衫年少來宜數  
不見堂前東逝波

馬上誰家白面

一云薄媚

郎臨堦下馬坐人牀  
不通姓字麤

豪甚指點銀瓶索酒嘗

同前

張祜

少年足風情垂鞭賣眼行帶金師子小裘錦騏驎  
匠裝金鐙推錢買鈿箏李陵雖効死時論得虛名

同前

韓翃

千點爛裊噴玉驄青絲結尾繡纏髻鳴鞭晚出章臺路  
葉葉春依楊柳風

同前

施肩吾

醉騎白馬走空衢惡少皆稱電不如五鳳街頭閒勒轡

半垂衫袖揖金吾

同前三首

僧貫休

錦衣鮮華手擎鵷閒行氣貌多輕忽  
秣穡艱難總不知  
五帝三皇是何物

自拳五色毬迸入他人宅卻捉蒼頭奴  
玉鞭打一百  
面白如削玉猖狂曲江曲馬上黃金鞍  
適來新賭得

同前

韋莊

五陵豪客多買酒黃金賤醉下酒家樓  
美人雙翠幃揮

劍邯鄲市走馬梁王苑樂事殊未央年華已云晚

漢宮少年行

李益

君不見上宮警夜營八屯蓼蓼街鼓朝朱軒玉階霜仗  
擁未合少年排入銅龍門暗聞弦管九天上宮漏沉沉  
清吹繁纔明走馬絕馳道呼鷹挾彈通繚垣玉籠金鎖  
養黃口探雛取卵伴王孫分曹六博快一擲迎歡先意  
笑語喧巧為柔媚學優孟儒衣嬉戲冠沐猿晚來香街  
經柳市行過倡市宿桃根相逢杯酒一言失回朱點白

聞至尊金張許史向顏色王侯將相莫敢論豈知人事  
無定勢朝歡莫戚如掌翻椒房寵移子愛奪一夕秋風  
生戾圉徒用黃金將買賦寧知白玉暗成痕持杯收水  
水已覆徙薪避火火更燔欲求四老張丞相南山如天  
不可上

長樂少年行

崔國輔

遺卻珊瑚鞭白馬驕不行章臺折楊柳春草路旁情

長安少年行

長安美少年羽騎莫連翩玉羈馬腦勒金絡珊瑚鞭陣  
雲橫塞起赤日下城圓追兵待都護烽火望祁連虎落  
夜方寢魚麗曉復前平生不可定空信蒼浪天

同前

沈炯

長安好少年驄馬鐵連錢陳王裝腦勒晉后鑄金鞭步  
搖如飛驚寶劍似舒蓮去來新市側遨遊大道邊道邊  
一老叟顏鬢如衰蓬自言居漢世少小見豪雄五侯俱  
拜爵七貴各論功建章通北闕複道度南宮太后居長

樂天子出回中玉輦迎飛鸞金山賞鄧通一朝復一日  
忽見朝市空扶桑無復海崑山倒向東少年何假問積  
齡值福終子孫冥滅盡鄉閭復不同淚盡眼方暗髀傷  
耳自聾杖策尋遺老歌嘯詠悲翁遭隨各有遇非敢訪  
童蒙

同前十首

李 廓

金紫少年郎繞街鞍馬光身從左中尉官屬右春坊刻  
戴揚州帽重薰異國香垂鞭踏青草來去杏園芳

追逐輕薄伴閒遊不著緋長攏出獵馬數換打毬衣曉  
日尋花去春風帶酒歸青樓無晝夜歌舞歇時稀

日高春睡足帖馬賞年華倒插銀魚袋行隨金犢車還  
攜新市酒遠醉曲江花幾度歸侵黑金吾送到家

好勝耽長行天明燭滿樓留人看獨腳賭馬換偏頭樂  
奏曾無歇盃巡不暫休時時遙冷笑怪客有春愁

遨遊攜艷妓裝束似男兒盃酒逢花住笙歌簇馬吹鶯  
聲催曲急春色訝歸遲不以聞街鼓華筵待月移

賞春唯逐勝大宅可曾歸不樂還逃席多狂慣衩衣歌  
人踏月起語燕卷簾飛好婦唯相妬倡樓不醉稀  
戟門連日閉苦飲惜殘春開鎖通新客教姬屈醉人請  
歌牽白馬自舞蹈紅茵時輩皆相許平生不負身

新年高殿上始見有光輝玉雁排方帶金鷺立仗衣酒  
深和碗賜馬疾打珂飛朝下人爭看香街意氣歸  
遊市慵騎馬隨姬入坐車樓邊聽歌吹簾外市釵花樂  
眼從人鬧歸心畏日斜蒼頭來去報飲伴到倡家

小婦教鸚鵡頭邊喚醉醒  
犬嬌眠玉鼻鷹掣撼金鈴  
碧地攢花障紅泥待客亭  
雖然長按曲不飲不曾聽

同前

僧皎然

翠樓春酒蝦蟇陵長安少年皆笑矜  
紛紛半醉綠槐道  
蹀躞花驄驕不勝

渭城少年行

崔顥

洛陽二月梨花飛  
秦地行人春憶歸  
揚鞭走馬城南陌  
朝逢驛使秦川客  
驛使前日發  
章臺傳道長安春  
早來

棠梨宮中驚初至葡萄館裏花正開念此使人歸更早  
三月便達長安道長安道上春可憐搖風蕩日曲河邊  
萬戶樓臺臨渭水五陵花柳滿秦川秦川寒食盛繁華  
遊子春來喜見花鬪雞下杜塵初合走馬章臺日半斜  
章臺帝城稱貴里青樓日晚歌鍾起貴里豪家白馬驕  
五陵年少不相饒雙雙挾彈來金市兩兩鳴鞭上渭橋  
渭城橋頭酒新熟金鞍白馬誰家宿可憐錦瑟第琵琶  
玉臺清酒就君家小婦春來不解羞嬌歌一曲楊柳花

邯鄲少年行

高適

邯鄲城南遊俠子，自矜生長邯鄲裏。  
千場縱博家仍富，幾度報讐身不死。  
宅中歌笑日紛紛，門外車馬如雲屯。  
未知肝膽向誰是，令人却憶平原君。  
君不見今人交態薄，黃金用盡還踈索。  
以茲感激一作歎辭舊遊，更於時事無所求。  
且與少年飲美酒，往來射獵西山頭。

同前

鄭錫

霞鞍金口騮，豹袖紫貂裘。  
家住叢臺下，門前漳水流。  
喚

人呈楚舞借客試吳鉤見說秦兵至甘心赴國讐

樂府詩集卷六十六

欽定四庫全書薈要卷一萬九千七百八十

集部

樂府詩集卷六十七

宋 郭茂倩 編

雜曲歌辭

輕薄篇

張 華

樂府解題曰輕薄篇言乘肥馬衣輕裘馳  
逐經過為樂與少年行同意何遜云城東  
美少年張正見云洛陽美少年是也

末世多輕薄驕或好浮華志意能

一作既

放逸貨財亦豐

奢被服極纖麗肴膳盡柔嘉僮僕餘梁肉婢妾蹈綾羅  
文軒樹羽蓋乘馬鳴玉珂橫簪刻玳瑁長鞭錯象牙足  
下金鑣履手中雙莫耶賓從煥絡繹侍御何芬葩朝與  
金張期莫宿許史家甲第面長街朱門赫嵯峨蒼梧竹  
葉清宜城九醞醑浮醪隨觴轉素蟻自跳波美女興齊  
趙妍唱出西巴一顧傾城國千金不足多北里獻奇舞  
大陵奏名歌新聲踰激楚妙妓絕陽阿元鶴降浮雲鰓

魚躍中河墨翟且停車展季猶咨嗟淳于前行酒雍門  
坐相和孟公結重關賓客不得蹉三雅來何遲耳熱眼  
中花盤桮互交錯坐席咸誼譁簪珥或一作咸墮落冠冕  
皆傾邪酣飲終日夜明燈繼朝霞絕纓尚不尤安能復  
顧他留連彌信宿此歡難可過人生若浮寄年時忽蹉  
跎促促朝露期榮樂遽幾何念此腸中悲涕下自滂沱  
但畏執法吏禮防且切磋

同前

何遜

城東

一作長安

美少年重身輕萬億  
柘彈隋珠九白馬黃金

飾長安九達上青槐  
蔭道植轂擊晨已喧  
肩排暝不息

走狗東西望牽牛向南  
直相期百戲傍去來  
三市側象

牀沓繡被玉盤傳綺食  
大姉

一作娼女

掩扇歌小妹

一作婦

開

簾織相看獨隱笑  
見人還歛色黃鶴悲  
故羣山枝詠新  
識鳥飛過客盡  
雀聚行龍匿酌羽  
方厭厭此時歡未極

同前

張正見

洛陽美年少朝日正開霞  
細蹠連錢馬傍趨  
苜蓿花揚

鞭還卻望春色滿東家井桃映水落門柳雜風斜綿蠻  
弄青綺蛺蝶遠承華欲往飛廉館遥駐季倫車石榴傳  
瑪瑙蘭有莫象牙聊持自娛樂未是關豪奢莫嫌龍馭  
晚扶桑復浴鵝

同前

李益

豪不必馳千騎雄不在垂雙鞬天生俊氣自相逐出與  
鵬鶚同飛翻朝行九衢不得意下鞭走馬城西原忽聞  
燕雁一聲去迴鞭挾彈平陵園歸來青樓曲未半美人

玉色當金罇。淮陰少年不相下。酒酣半笑倚市門。安知  
我有不平色。白日欲顧紅塵昏。死生容易如反掌。得意  
失意由一言。少年但飲莫相問。此中報讐亦報恩。

同前二首

僧貫休

繡林錦野春。態相壓誰家。少年馬蹄蹋。蹋闕難走狗。夜  
不歸。一擲賭却如花妾。唯云不顛不狂。其名不彰悲夫  
木落蕭蕭蛩鳴唧唧。不覺朱鵲臉紅霜劫鬢。漆世途多  
事泣向秋日方吟。少壯不努力。老大徒傷悲。如何

輕薄行

僧齊己

玉鞭金鐙驂騶蹄橫眉吐氣如虹霓  
五陵春暖芳草齊  
笙歌到處花成泥  
日沉月工且鬪雞  
醉來莫問天高低  
伯陽道德何涕唾  
仲尼禮樂徒卑栖

灞上輕薄行

孟郊

長安無緩步  
況值天景莫  
相逢灞滄間  
親戚不相顧  
自嘆方拙身  
忽隨輕薄倫  
常恐失所避  
化為車轍塵  
此生白髮疾  
走亦未歇

遊俠篇

張華

漢書遊俠傳曰戰國時列國公子魏有信陵趙有平原齊有孟嘗楚有春申皆藉王公之勢競為遊俠以取重諸侯顯名天下故後世稱遊俠者以四豪為首焉漢興有魯人朱家及劇孟郭解之徒馳騁於閭里皆以使聞其後長安熾盛街閭各有豪俠時萬章在城西柳市號曰城西萬章酒市

有趙君都賈子光皆長安名豪報仇怨養  
刺客者也魏志曰楊阿若後名豐字伯陽  
少遊俠常以報仇解怨為事故時人為之  
號曰東市相斫楊阿若西市相斫楊阿若  
後世遂有遊俠曲魏陳琳晉張華又有博  
陵王宮俠曲

翩翩四公子濁世稱賢明龍虎方交爭七國竝抗衡食  
客三千餘門下多豪英遊說朝夕至辯士自從橫孟嘗

出東關濟身由鷄鳴信陵西反魏秦人不窺兵趙勝南  
詛楚乃與毛遂行黃歇北適秦太子還入荆美哉遊俠  
士何以尚四卿我則異於是好古師老彭

同前

王褒

京洛出名謳豪俠競交遊河南朝四姓關西謁五侯  
雞橫大道走馬出長楸桑陰徙將夕槐路轉淹留

同前

陳良

洛陽麗春色遊俠騁輕肥水逐車輪轉塵隨馬足飛雲

影遙臨葢花氣近熏衣東郊鬪雞罷南皮射雉歸日暮  
河橋上揚鞭惜晚暉

同前

崔顥

少年負膽氣好勇復知機仗劍出門去孤城逢合圍殺  
人遼水上走馬漁陽歸錯落金瑣甲蒙茸貂鼠衣還家  
行且獵弓矢速如飛地迥鷹犬疾草深狐兔肥腰間懸  
兩綬轉眄生光輝顧謂今日戰何如隨建威

遊俠行

孟郊

壯士性剛決火中見石裂殺人不迴頭輕生如暫別豈  
知眼有淚肯白頭上髮平生無恩酬劒間一百月

俠客篇

王筠

俠客趨名利劒氣坐相矜黃金塗鞘尾白玉飾鉤膺晨  
馳逸廣陌日莫返平陵舉鞭向趙李與君方代興

俠客行

李白

趙客縵胡纓吳鉤霜雪明銀鞍照白馬颯沓如流星十  
步殺一人千里不留行事了拂衣去深藏身與名閑過

信陵飲脫劍膝前橫將炙啖朱亥持觴勸侯嬴三杯吐  
然諾五嶽倒為輕眼花耳熱後意氣素霓生救趙揮金  
槌邯鄲先震驚千秋二壯士烜赫大梁城縱死俠骨香  
不慙世上英誰能書閣下白首太玄經

同前

元稹

俠客不怕死怕在事不成事成不肯藏姓名我非竊賊  
誰夜行白日堂堂殺袁盎九衢草草人面青此客此心  
師海鯨海鯨露背橫滄溟海波分作兩處生海鯨分海

減海力俠客有謀人莫測三尺鐵蛇延二國

同前

溫庭筠

欲出鴻都門陰雲蔽成闕寶劍黯如水微紅溼餘血白  
馬夜頻嘶一作驚三更灞陵雪

博陵王宮俠曲二首

張華

俠客樂幽險築室窮山陰獠獵野獸稀施網川無禽歲  
莫飢寒至慷慨頓足吟窮令壯士激安能懷苦心干將  
坐自閑繁弱控餘音耕佃窮淵陂種粟著劍鐔收秋狹

路間一擊重千金，棲遲熊羆穴。容與虎豹林，身在法令外。縱逸常不禁。

雄兒任氣俠，聲蓋少年場。借友行報怨，殺人租市旁。吳刀鳴手中，利劍嚴秋霜。腰間義素戟，手持白頭鏐。騰超如激電，回旋如流光。奮擊當手決，交屍自縱橫。寧為殤鬼，雄義不入圜牆。生從命子遊，死聞俠骨香。身沒心不懲，勇氣加四方。

遊獵篇

張華

樂府解題曰梁劉孝威遊獵篇云之罙講  
射所上林娛獵場備言遊行射獵之事亦  
謂之行行遊且獵篇

歲暮凝霜結堅冰  
沍幽泉厲風蕩原隰  
浮雲蔽昊天玄  
雲晦翫合素雪紛連  
翩鷹隼始擊鷙虞人  
獻時鮮嚴駕  
鳴騶侶攬轡過中田  
戎車方四牡文軒馭  
紫燕輿徒旣  
整飭容服麗且妍  
武騎列重圍前驅抗  
脩旃倏忽似回  
飈絡繹若浮煙  
鼓譟山淵動衝塵  
雲霧連輕繒拂素霓

織網蔭長川游魚未暇竄歸雁不得旋由基控繁弱公  
差操黃間機發應弦倒一縱連雙肩僵禽正狼籍落羽  
何翩翻積獲被山阜流血丹中原馳騁未及勸曜靈俄  
移晷結置彌數澤囂聲振四鄙鳥驚觸白刃獸駭掛流  
矢仰手接遊鴻舉足蹴羣兕如黃批狡兔青骹撮飛雉  
鵠鷺不盡收鳬鷺安足視日冥徒御勞賞勤課能否野  
饗會衆賓玄酒甘且旨燔炙播遺芳金觴浮素蟻珍羞  
墜歸雲纖肴出淥水四氣運不停年時何亶亶人生忽

如寄居世遽能幾至人同禍福達士等生死榮辱渾一  
門安知惡與美遊放使心狂覆車難再履伯陽為我誠  
檢跡投清軌

行行遊且獵篇

劉孝威

之罘講射所上林娛獵場選徒驕楚客詔狩誇戎王罽  
車已戒道風鳥復啓行欣飛具曾繳材官命蹶張高置  
掩月兔勁矢射天狼蹠地不遑免排虛豈及翔日算鉤  
陳轉風清饒吹揚歸來宴平樂寧肯帶禽荒

同前

李白

邊城兒生年不讀一字書但知遊獵誇輕趨胡馬秋肥  
宜白草騎來躡影何矜驕一作可憐驕金鞭拂雲揮鳴鞘半  
酣呼鷹出遠郊弓彎滿月不虛發雙鷁迸落連飛翳海  
邊觀者皆辟易猛氣英風振沙磧儒生不及遊俠人白  
首下帷復何益

遊子吟

孟郊

漢蘇武詩曰幸有弦歌曲可以喻中懷請

為遊子吟吟吟一何悲又有遊子移亦類  
此也

慈母手中線遊子身上衣臨行密密縫意恐遲遲歸誰  
言寸草心報得三春暉

同前

顧況

故樞思疲馬故巢思迷禽浮雲蔽我鄉踴躍遊子吟遊  
子悲久滯浮雲鬱東岑客堂無絲桐落葉如秋霖艱哉  
遠游子所以悲滯淫一為浮雲詞憤塞誰能禁馳暉百

年內唯願展所欽胡為不歸歟坐使年病侵未老霜遶  
鬢非狂火燒心太行何艱哉北斗不可斟夜晴星河出  
耿耿辰與參佳人負青天尺素重於金次寥羣動異眇  
默諸境森苔衣上閑堦蜻蛚催寒砧立身計幾悞道險  
無容針三年不還家萬里遺錦衾夢魂無重阻離憂因  
古今胡為不歸歟孤負丘中琴腰下是何物牽纏曠登  
尋朝與名山期夕宿楚水陰楚水殊演漾名山杳嶇嶮  
客從洞庭來婉孌瀟湘深橘柚在南國鴻雁遺秋音下

有碧草洲上有青橘林引燭窺洞穴凌波睥天琛蒲荷  
影參差鳬鶴雛淋泠浩歌惜芳杜散髮輕華簪胡為不  
歸歟淚下沾衣襟鳶飛唳霄漢螻蟻制鱣鰓赫赫大聖  
朝日月光照臨聖主雖啓迪奇人分堙沈層城發雲韶  
玉府鏘球琳鹿鳴志豐草況復虞人箴

同前

李益

女羞夫壻蕩客恥主人賤遭遇同衆流低回愧相見君  
非青銅鏡何事空照面莫以衣上塵不謂心如練人生

當榮盛待士勿言倦君看白日馳何異弦上箭

遊子移

劉義恭

三河遊蕩子麗顏邁荆寶攜持玉柱箏懷挾忘憂草綢  
繆甘泉中馳逐邯鄲道春服候時製秋紉迎涼造珍魄  
暉素腕玉迹滿襟抱常歎樂日晏恒悲歡不早揮吹傳  
舊美趨謠盡新好仲尼為輟飡秦王足傾倒

壯士篇

張華

燕荆軻歌曰風蕭蕭兮易水寒壯士一去

兮不復還壯士篇蓋出於此

天地相震蕩回薄不知窮人物稟常格有始必有終年  
時俛仰過功名宜速崇壯士懷憤激安能守虛沖乘我  
大宛馬撫我繁弱弓長劒橫九野高冠拂玄穹慷慨成  
素霓嘯吒起清風震響駭八荒奮威曜四戎濯鱗滄海  
畔馳騁大漠中獨步聖明世四海稱英雄

壯士吟

賈島

壯士不曾悲悲即無回期如何易水上未歌先淚垂

壯士行

劉禹錫

陰風振寒郊猛虎正咆哮徐行出燒地連吼入黃茆壯  
士走馬去鐙前彎玉弣叱之使人立一發如鉞交悍情  
忽星墜飛血濺林梢彪炳為我席羶羶充我庖里中欣  
害除賀酒紛號呶明日長橋上傾城看斬蛟

同前

鮑溶

西方太白高壯士羞病死心知報恩處對酒歌易水砂  
鴻嗥天末橫劍別妻子蘇武執節歸班超束書起山河

不足重重在遇知已

同前

施肩吾

一斗之膽撐臟腑如礪之筋礙臂骨有時悞入千人叢  
自覺一身橫突兀當今四海無烟塵胸襟被壓不得伸  
凍泉殘蠶我不取汚我匣裏青蛇鱗

樂府詩集卷六十七

欽定四庫全書薈要卷一萬九千七百八十一

集部

樂府詩集卷六十八

宋 郭茂倩 編

雜曲歌辭

浩歌

李 賀

楚辭屈原九歌曰望美人兮不來臨風悅  
而浩歌浩大也

南風吹山作平地帝遣天吳移海水王母桃花千遍紅

彭祖巫咸幾回死青毛驄馬參差錢嬌春楊柳含細

一作

細烟第人勸我金屈卮神血未凝身問誰不須浪飲

一作

不須丁督護世上英雄本無主買絲繡作平原君有酒

唯澆趙州土漏催水咽玉蟾蜍衛娘髮薄不勝梳看

一作

羞見秋眉換深綠二十男兒那刺促

浩歌行

白居易

天長地久無終畢昨夜今朝又明日鬢髮蒼浪牙齒疎  
不覺身年四十七前去五十有幾年把鏡照面心茫然

既無長繩繫白日又無大藥駐朱顏朱顏日漸不如故  
青史功名在何處欲留年少待富貴富貴不來年少去  
去復去兮如長河東流赴海無迴波賢愚貴賤同歸盡  
北邙塚墓高嵯峨古來一作古今如此非獨我未死有酒且  
酣歌顏回短命伯夷餓我今所得亦已多功名富貴須  
待命命若不來知一作爭奈何

歸去來引

張熾

晉書曰陶潛素簡貴不私事上官義熙初

為彭澤令郡遣督郵至縣吏白應束帶見  
之潛歎曰吾不能為五斗米折腰拳拳事  
鄉里小兒即日解印綬去乃賦歸去來其  
辭曰歸去來兮田園將蕪胡不歸言人生  
幾時不願富貴樂天知命故去之無疑也  
歸去來歸期不可違相見故明月浮雲共我歸

麗人曲

崔國輔

樂府廣題曰劉向別錄云昔有麗人善雅

歌後因以名曲

紅顏稱絕代，欲竝真無侶。獨有鏡中人，由來自相許。

麗人行

杜甫

三月三日天氣新，長安水邊多麗人。態濃意遠淑且真，

肌理細膩骨肉勻。繡

一作畫

羅衣裳，照莫春。蹙金孔雀銀

麒麟，頭上何所有。翠微

一作為

鈿

一作鈿

葉垂鬢，脣背後何

所見珠壓腰，襖穩稱身就。中雲幕，椒房親。賜名大國號，

與秦紫駝之峰

一作珍

出翠釜，水精之盤行。素鱗犀筋厭

飫久未下鸞刀縷切空紛綸黃門飛鞚不動塵御厨絲

絡

一作駱驛

送八珍簫鼓

一作管

哀吟感鬼神賓從雜還實要

津後來鞍馬何逡巡當軒

一作道

下馬入錦茵楊花雪落

覆白蘋青鳥飛去銜紅巾炙手可熱勢

一作世

絕倫慎莫

近

一作向

前丞相嗔

望城行

王融

金城十二重雲氣出表裏萬戶如不殊千門反相似車  
馬若飛龍長衢無極已簫鼓相逢迎信哉佳城市

東飛白勞歌

古辭

東飛伯勞西飛鷺黃姑織女時相見誰家兒女對門居  
開顏發豔照里閭南牕北牖桂月光羅帷綺帳脂粉香  
女兒年幾十五六窈窕無雙顏如玉三春已暮花從風  
空留可憐誰與同

同前二首

梁簡文帝

翻階蛺蝶戀花情容華飛鷺相逢迎誰家總角歧路陰  
裁紅點翠愁人心天牕綺井暖徘徊珠簾玉篴明鏡臺

可憐年幾十三四  
工歌巧舞入人意  
白日西落楊柳垂  
含情弄態兩相知

西飛迷雀東羈雉  
倡樓秦女乍相隨  
誰家妖麗隣中止  
輕妝薄粉光閭里  
網戶珠綴曲瓊鉤  
芳茵翠被香氣流  
少年年幾方三六  
含嬌聚態傾人目  
餘香落蕊坐相催  
可憐絕世誰為媒

同前

劉孝威

雙棲翡翠兩鴛鴦  
巫雲洛月乍相望  
誰家妖冶折花枝

衫長釧動任風吹金鋪玉鎖琉璃扉花鈿寶鏡織成衣  
美人年幾可十餘含羞騁笑斂風裾珠丸出彈不可追  
空留可憐持與誰

同前

陳後主

池側鴛鴦春日鶯綠珠絳樹相逢迎誰家佳麗過淇上  
翠釵綺袖波中漾雕軒繡戶花恒發珠簾玉砌移明月  
年時二七猶未笄轉顧流眄鬟鬢低風飛蕊落將何故  
可惜可憐空擲度

同前

陸瑜

西王青鳥秦女鸞姮娥婺女慣相看誰家玉顏窺上路  
粉色衣香雜風度九重樓檻芙蓉華四隣照鏡菱荃花  
新妝年幾纔三五隱幔藏羞臨網戶然香氣歇不飛烟  
空留可憐年一年

同前

江總

南飛烏鵲北飛鴻弄玉蘭香時會同誰家可憐出牕牖  
春心百媚勝楊柳銀牀金屋挂流蘇寶鏡玉釵橫珊瑚

年時二八新紅臉宜笑宜歌羞更斂風花一去杳不歸  
祇為無雙惜舞衣

同前

辛德源

合歡芳樹連理枝荆王神女乍相隨誰家妖豔蕩輕舟  
含嬌轉眄騁風流犀棹蘭橈翠羽蓋雲羅霧縠蓮花帶  
女兒年幾十六七玉面新妝映朝日落花從風俄度春  
空留可憐何處新

同前

張柬之

青田白鶴丹山鳳  
婺女姮娥兩相送  
誰家絕世綺帳前  
豔粉芳脂映寶鈿  
窈窕玉堂褰翠幕  
參差繡戶懸珠箔  
絕世三五愛紅妝  
冶袖長裾蘭麝香  
春去花枝俄易改  
可歎年光不相待

同前

李嶠

傳書青鳥迎蕭鳳  
巫嶺荆臺數通夢  
誰家窈窕住園樓  
五馬千金照陌頭  
羅裙一作裾玉珮當軒出  
點翠施紅競  
春日佳人二八盛  
舞歌羞將百萬呈  
雙娥庭前芳樹朝

夕改空駐妍華欲誰待

同前

李暇

秦王龍劒燕后琴珊瑚寶匣鏤雙心誰家女兒抱香枕  
開衾滅燭願侍寢瓊牕半上金縷幃輕羅隱面不障羞  
青綺幃中坐相憶紅羅鏡裏見愁色簷花照月鷺對棲  
空將可憐暗中啼

鳴雁行

鮑照

衛瓘有苦葉詩曰雝雝鳴雁旭日始旦鄭

康成云雁者隨陽而處似婦人從夫故昏  
禮用焉雝雝聲和也鳴雁行蓋出於此

雖雖鳴雁鳴正旦齊行命侶入雲漢中夜相失羣離亂  
留連徘徊不忍散憔悴容儀君不知辛苦霜雪一作風霜亦  
何為

同前

李元操

聽琴旋蔡子張羅避翟公夕宿寒林上朝飛空井中既  
竝玄雲曲復變海魚風一報黃苑惠還遊萬歲宮

同前

李白

胡雁鳴辭燕山昨發委羽朝度關一一銜蘆枝南飛散  
落天地間連行接翼往復還客居烟波寄湘吳凌霜觸  
雪毛體枯畏逢矰繳驚相呼聞弦虛墜良可吁君更彈  
射何為乎

同前

韓愈

嗷嗷鳴雁鳴且飛窮秋南去春北歸去寒就暖識所處  
依一作天長地闊棲息稀風霜酸苦稻粱微羽毛摧落身

不肥徘徊反顧羣侶違哀鳴欲下洲

一作洲

渚非江南水

闊朝

一作朔

雲多草長沙軟無網羅閒飛靜集鳴相和違

憂懷息

一作患

性匪他凌風一舉君謂何

同前

鮑溶

七月朔方雁心苦聯影翻空落南土八月江南陰復晴  
浮雲繞天難夜行羽翼勞痛心虛驚一聲相呼百處鳴  
楚童夜宿烟波側沙上布羅連草色月闇風悲欲下天  
不知何處容棲息楚童胡為傷我神爾不曾作遠行人

江南羽族本不少寧得網羅此客鳥

同前

陸龜蒙

朔風動地來吹起沙上聲閨中有邊思玉筯此時橫莫  
怕兒女恨主人烹不鳴

晨風行

王 循

晨風本秦詩也晨風詩曰歟彼晨風鬱彼  
北林傳曰歟疾飛貌晨風鷗也言穆公招  
賢人賢人往之疾如晨風之入北林也又

曰如何如何忘我實多益刺康公忘穆公  
之業而棄其賢臣焉益部耆舊傳曰後漢  
楊終徙於北地望松縣而母於蜀物故終  
自傷被罪充邊乃作晨風之詩以舒其憤  
也若王循霧開九曲瀆沈氏理檝令舟人  
但歌晨朝之風爾

霧開九曲瀆風起千金隄岸回分野徑林際成牛蹊  
隨落潮去日傍綺霞低望日輕舟隱瑟瑟遠蹇悽還眺

小平急宴語方難齊

同前

苑靜妻沈氏

理檝令舟人停艫息旅薄河津  
念君劬勞冒風塵臨路揮袂淚沾巾  
颺流勁潤逝若飛山高帆急絕音  
徽留子句句獨言歸中心煢煢將依誰  
風彌葉落永離索神往形返情錯漠  
循帶易緩愁難却心之憂矣巨銷鑠

空城雀

鮑照

樂府解題曰鮑照空城雀云雀乳四轂空

城之阿言輕飛近集茹腹辛傷免網羅而

已

雀乳四轂空城之阿朝拾野粟夕飲冰阿高飛畏鷗鷺  
下飛畏網羅辛傷伊何言怵迫良已多誠不及青鳥遠  
食玉山禾猶勝吳宮燕無罪得焚窠賦命有厚薄長歎  
欲如何

同前

高孝緯

百雉何寥廓四面風雲上紈素久為塵池臺尚可仰啾

啾雀噪城鬱鬱無歡賞日莫紫心曲橫琴聊自獎

同前

李白

啾啾空城雀身計何戚促本與鷦鷯羣不隨鳳凰族提  
攜四黃口飲乳未嘗足食君糠粃餘常恐烏鳶逐恥涉  
太行險羞營覆車粟天命有定端守分絕所欲

同前

王建

空城雀何不飛來人家住空城無人種禾黍土間生子  
草間長滿地蓬蒿幸無主近村雖有高樹枝雨中無食

長苦飢八月小兒挾弓箭家家畏我田頭飛但能不出  
空城裏秋時百草皆有子黃口黃口莫啾啾長爾得成  
無橫死

同前

聶夷中

一雀入官倉所食能損幾所慮往損頻官倉乃害爾魚  
網不在天鳥網不在水飲啄要自然何必空城裏

同前

劉駕

飢啄空城土莫近太倉粟一粒未充腸却入公子腹且

弔城上骨幾曾害爾族不聞莊辛語今日寒蕪綠

滄海雀

張率

大雀與黃口來自滄海區清晨啄原粒日夕依野株雖  
憂鷺鳥擊長懷沸鼎虞況復隨時起翻飛不可初寄言  
挾彈子莫賤隋侯珠

雀乳空井中


劉孝威

晉傅玄詩曰鵲巢丘城側雀乳空井中居  
不附龍鳳常畏蛇與蟲依賢義不恐近暴

自當窮雀乳空井中蓋出於此

遠去條支國心知漢德優聊棲丞相府過令黃霸羞挾  
子須閑地空井共尋求輓轡絲綆絕桔槔冬蘚周將憐  
羽翼長唯辭各背遊

樂府詩集卷六十八




總校官進士臣胡榮  
校對官待詔臣胡士震  
謄錄貢生臣王詢

欽定四庫全書薈要

集部

樂府詩集卷六十九至  
七十一

詳校官候選知縣臣吳甸華



欽定四庫全書薈要卷一萬九千七百八十二

集部

樂府詩集卷六十九

宋 郭茂倩 編

雜曲歌辭

車遥遥

車 穀

車遥遥兮馬洋洋  
追思君兮不可忘  
君安遊兮西入秦  
願將微影隨君身  
君在陰兮影不見  
君仰日月妾所願

同前

孟 郊

路喜到江盡江上又通舟舟車兩無阻何處不得遊丈  
夫四方志女子安可留卽自別日言無令生遠愁旅雁  
忽叫月斷猿寒啼秋此夕夢君夢君在百城樓寒淚無  
因波寄恨無因輒願為馭者手與卽迴馬頭

同前

張籍

征人遙遙出古城雙輪齊動駟馬鳴山川無處無歸路  
念君長作萬里行野田人稀秋草綠日暮放馬車中宿  
驚麕遊兔在我傍獨唱鄉歌對僮僕君家大宅鳳城隅

年年道上隨行車願為玉鑾繫華軾終日有聲在君側  
門前舊轍久已平無由復得君消息

同前

張 祐

東方曉曉車軋軋地色不分新去轍閨門半掩牀半空  
班班枕花殘淚紅君心若車千萬轉妾身如轍遺漸遠  
碧川樓樓山宛宛馬蹄在耳輪在眼桑門女兒情不淺  
莫道野蠶能作繭

同前

胡 曾

自從車馬出門朝便入空房守寂寥玉枕夜殘魚信絕  
金鈿秋盡雁書遙臉邊楚雨臨風落頭上春雲向日銷  
芳草又衰還不至碧天霜冷轉無憀

自君之出矣

孝武帝

漢徐幹有室思詩五章其第三章曰自君  
之出矣明鏡暗不治思君如流水無有窮  
已時自君之出矣蓋起於此齊虞羲亦謂  
之思君去時行

自君之出矣金翠閣無精思君如日月回還晝夜生

同前

劉義恭

自君之出矣筇錦廢不開思君如清風曉夜常徘徊

同前

顏師伯

自君之出矣芳帷低不舉思君如回雪流亂無端緒

同前

鮑令暉

自君之出矣臨軒不解顏砧杵夜不發高門晝恒闌帷  
中流熠燿庭前華紫蘭物枯識節異鴻歸知客寒遊取

算春盡餘思待君還

同前二首

王融

自君之出矣芳蕤絕  
瑤卮思君如形影  
寢興未曾離  
自君之出矣金鑪香  
不然思君如明燭  
中宵空自煎

同前

虞羲

自君之出矣楊柳正依依  
君去無消息唯見黃鸝飛  
關山多險阻士馬少光輝  
流年無止極君去何時歸

同前

范雲

自君之出矣羅帳咽秋風思君如蔓草連延不可窮

同前六首

陳後主

自君之出矣霜暉當夜明思君若風影來去不曾停  
自君之出矣房空帷帳輕思君如晝燭懷心不見明  
自君之出矣不分道無情思君若寒草零落故心生  
自君之出矣塵網暗羅帷思君如落日無有暫還時  
自君之出矣綠草遍階生思君如夜燭垂淚著雞鳴  
自君之出矣愁顏難復覩思君如藥條夜夜只交苦

同前

賈馮吉

自君之出矣紅顏轉憔悴思君如明燭煎心且銜淚

同前

陳叔達

自君之出矣明鏡罷紅妝思君如夜燭煎淚幾千行

同前

李康代

自君之出矣梁塵靜不飛思君如滿月夜夜減容暉

同前

辛弘智

自君之出矣絃吹絕無聲思君如百草撩亂逐春生

同前

盧仝

自君之出矣壁上蜘蛛織近取見妾心夜夜無休息妾  
有雙玉環寄君表相憶環是妾之心玉是君之德馳情  
增悴容蓄思損精力玉簫寒悽悽延想心惻惻風含霜  
月明水泛碧天色此水有盡時此情無終極

同前

雍裕之

自君之出矣寶鏡為誰明思君如隴水長聞嗚咽聲

同前

張祜

自君之出矣萬物看成古千尋葶蘆枝爭奈長長苦

長相思

吳邁遠

古詩曰客從遠方來遺我一書札上言長  
相思下言久離別李陵詩曰行人難久留  
各言長相思蘇武詩曰生當復來歸死當  
長相思長者久遠之辭言行人久戍寄書  
以遺所思也古詩又曰客從遠方來遺我  
一端綺文綵雙鴛鴦裁為合歡被著以長

相思緣以結不解謂被中著綿以致相思  
縣縣之意故曰長相思也又有千里思與  
此相類

晨有行路客依依造門端人馬風塵色知從河塞還時  
我有同棲結宦遊邯鄲將不異客子分飢復笑寒煩君  
尺帛書寸心從此殫遣妾長憔悴豈復歌笑顏簷隱千  
霜樹庭枯十載蘭經春不舉袖秋落寧復看一見願道  
意君門已九關虞卿棄相印擔簦為同歡閨陰欲早霜

何事空盤桓

長相思

梁昭明太子

相思無終極長夜起嘆息徒見貌嬋一作媛娟寧知心有憶寸心無以因願附歸飛翼

同前二首

張率

長相思久離別美人之遠如雨絕獨延佇心中結望雲雲去遠望鳥鳥飛滅空望終若斯珠淚不能雪

長相思久別離所思何在苦天垂鬱陶相望不得知玉

階月夕映羅帷羅帷風夜吹長思不能寢坐望天河移

同前二首

陳後主

長相思久相憶關山征戍何時極望風雲絕音息上林書不歸迴紋徒自織羞將別後面還似初相識

長相思怨成悲蝶縈草樹連絲庭花飄散飛入帷帷中看隻影對鏡歛雙眉兩見同見月兩別共春時

同前二首

徐陵

長相思望歸難傳聞奉詔戍皋蘭

一作傳制  
戍皋蘭

龍城遠雁

門寒愁來瘦轉劇衣帶自然寬念君今不見

一作君今念不見

誰為抱腰看

長相思好奉節夢裡恒啼悲不洩帳中起窗前髻柳絮  
飛還聚遊絲斷復結欲見洛陽花如君隴頭雪

同前

蕭淳

長相思久離別新鶯參差條可結壺闌遠雁書絕對雲  
恒憶陣看花復愁雪猶有望歸心流黃未剪截

同前

陸瓊

長相思久離別一罷鴛文綺薦絕鴻已去柳堪結室冷  
鏡疑冰庭幽花似雪容貌朝朝改書字看看減

同前

王 璩

長相思久離別兩心同憶不相徹悲風悽一作淒愁雲結

柳葉眉上銷菱花鏡中減雁封歸飛斷鯉素還流絕

同前二首

江 總

長相思久離別征夫去遠芳音減湘水深隴頭咽紅羅  
斗帳裡綠綺清弦絕逶迤百尺樓愁思三秋結

長相思久別離春風送鶯入簷窺暗開脂粉弄花枝紅  
樓千愁色玉筍兩行垂心心不相照望望何由知

同前

罷秋有餘慘還春不覺溫詎知玉筵側長挂銷愁人

同前

郎大家宋氏

長相思久離別關山阻風烟絕臺上鏡文銷袖中書字  
滅不見君形影何曾有懽悅

同前

蘇頌

君不見天津橋下東流水東望龍門北朝市楊柳青青  
宛地垂桃紅李白花參差花參差柳堪結此時憶君心  
斷絕

同前三首

李白

長相思在長安絡緯秋啼金井欄微霜淒淒簾色寒孤  
燈不明思欲絕卷帷望月空長歎美人如花隔雲端一作

佳期迢迢  
隔雲端

上有青冥之長天下有綠水之波瀾天長路

遠魂飛苦夢魂不到闌山難長相思摧心肝

日色已盡花含烟月明欲素愁不眠趙瑟初停鳳凰柱  
蜀琴欲奏鴛鴦絃此曲有意無人傳願隨春風寄燕然  
憶君迢迢隔青天昔日橫波目今成流淚泉不信妾腸  
斷歸來看取明鏡前

美人在時花滿堂美人去後空餘牀牀中繡被卷不寢  
至今三載猶聞香香亦竟不減人亦竟不來相思黃葉  
落白露點青苔

同前

張繼

遼陽望河縣白首無由一作人見海上珊瑚枝年年寄春  
薦

同前二首

令狐楚

君行登隴上妾夢在閨中玉箸千行落銀牀一半空  
綺席春眠覺紗窗曉望迷朦朧殘夢裡猶自在遼西

同前

白居易

九月西風興月冷霜

一作露

華凝思君秋夜長一夜魂九

升二月東風來草坼花心開思君春日遲一夜腸九迴

妾住洛橋北君住洛橋南十五即相識今年二十三有  
如女蘿草生在松之側蔓短枝苦高縈迴上不得人言  
人有願願至天必成願作遠方獸步步比肩行願作深  
山木枝枝連理生

千里思

祖叔辨

細君辭漢宇玉嫺即虜衢寂寂人逕阻迢迢天路殊憂  
來似懸旆淚下若連珠無因上林雁但見邊城蕪

同前

李白

李陵沒胡沙蘇武還漢家迢迢五原關朔雪亂邊花

一作

愁見雪如花

一去隔絕域思歸但長嗟鴻雁向西北飛

一作因

書報天涯

同前

李端

涼州風月美遙望居延路泛泛下天雲青青緣塞樹燕  
山蘇武上海島田橫住更是草生時行人出門去

樂府詩集卷六十九

欽定四庫全書薈要卷一萬九千七百八十三

集部

樂府詩集卷七十

宋 郭茂倩 編

雜曲歌辭

行路難十九首

鮑 照

樂府解題曰行路難備言世路艱難及離別悲傷之意多以君不見為首按陳武別傳曰武常牧羊諸家牧豎有知歌謠者武

遂學行路難則所起亦遠矣唐王昌齡又

有變行路難

奉君金卮

一作

之美酒璫瑁玉匣之彫琴七綵芙蓉之

羽帳九華蒲萄之錦衾紅顏零落歲將暮寒光宛轉時  
欲沉願君裁悲且減思聽我抵節行路吟不見柏梁銅  
雀上寧聞古時清吹音

洛陽名工鑄為金博山千斲萬鏤上刻秦女攜手仙承  
君清夜之歡娛

一作  
娛樂

列置幃裏明燭前外發龍鱗之丹

綵內含蘭芬之紫烟如今君心一朝異對此長歎終百年

璿閨玉墀上椒閣文牕繡戶垂綺幕中有一人字金蘭

被服纖羅縑

一作采

芳藿春鷺差池風散梅開幃對影弄

禽

一作春

爵含歌攬涕恒抱愁人生幾時得為樂寧作野

中之雙鳬不願雲間之別鶴

一作鵠

瀉水置平地各自東西南北流人生亦有命安能行歎

復坐愁酌酒以自寬舉杯斷絕歌路難心非木石豈無

感吞聲躑躅不敢言

君不見河邊草冬時枯死春滿道君不見城上日今暝  
沒山去明朝復更出今我何時當得然一去永滅入黃  
泉人生苦多懽樂少意氣數腴在盛年且願得志數相  
就牀頭恒有酤酒錢功名竹帛非我事存亡貴賤委皇  
天

對案不能食拔劍擊柱長歎息丈夫生世能

一作會

幾時

安能疊燮垂羽翼棄檄罷官去還家自休息朝出與親

辭算還在親側弄兒牀前戲看婦機中織自古聖賢盡  
貧賤何況我輩孤且直

愁思忽而至跨馬出北門舉頭四顧望但見松栢園荆  
棘鬱蹲蹲中有一鳥名杜鵑言是古時蜀帝魂聲音哀  
苦鳴不息羽毛憔悴似人髣飛走樹間啄蟲蟻豈憶往  
日天子尊念此死生變化非常理中心惻愴不能言

中庭五株桃一株先作花陽春沃若

一作沃冶

二三月

一作二月

中從風簸蕩落西家西家思婦見悲

一作見之

悅零淚沾衣

撫心歎初我送君出戶時何言淹留節迴換牀席生塵  
明鏡垢纖腰瘦削髮蓬亂人生不得恒稱意惆悵徙倚  
至夜半

剗蘂染黃絲黃絲歷亂不可治我昔與君始相值爾時

自謂可君意結帶與我言死生好惡不相置

一作結帶與君何死

生好惡不擬相棄置

今日見我顏色衰意中索寞

一作錯亂

與先異還

君金釵瑋瑁簪不忍見之益愁思

君不見薜華不終朝須臾淹冉零落銷盛年妖豔浮華

輩不久亦當詣冢頭一去無還期千秋萬歲無音詞孤  
魂煢煢空隴間獨魄徘徊遶墳基但聞風聲野鳥吟豈  
憶平生盛年時為此令人多悲悵君當縱意自熙怡  
君不見枯籜走階庭何時復青著故莖君不見亡靈蒙  
享祀何時傾盃竭壺罍君當見此起憂思寧反得與時  
人爭生人倏忽如絕電華年盛德幾時見但令縱意存  
高尚旨酒佳肴相胥讌持此從朝竟夕暮差得忘憂消  
愁怖胡為惆悵不能已難盡此曲令君忤

今年陽初花滿林明年冬末雪盈岑推移代謝紛交轉  
我君邊戍獨稽沉執袂分別已三載邇來淹寂無分音  
朝悲慘慘遂成滴算思遶遶最傷心膏沐芳餘久不御  
蓬首亂鬢不設簪徒飛輕埃舞空帷粉黛器靡復遺  
自生留世苦不幸心中惕惕恒懷悲

春禽喈喈旦莫鳴最傷君子憂思情我初辭家從軍僑  
榮志溢氣干雲霄流浪漸冉經三齡忽有白髮素髭生  
今算臨水拔已盡明日對鏡復已盈恐羈死為客思寄

滅生死空精每懷舊鄉野念我舊人多悲聲忽見過客  
問何我寧知我家在南城答云我曾居君鄉知君遊宦  
在此城我行離邑已萬里今方羈役去遠征來時聞君  
婦閨中孀居獨宿有貞名

亦云朝悲泣間房又聞算思淚沾裳形容憔悴非昔悅  
蓬髮衰顏不復妝見此令人有餘悲當願君懷不暫忘  
君不見少壯從軍去白首流離不得還故鄉宵宵日夜  
隔音塵斷絕阻河關朔風蕭條白雲飛胡笳哀急邊氣

寒聽此愁人兮奈何登山遠望得留顏將死胡馬跡寧  
見妻子難男兒生世輒軻欲何道綿憂摧抑起長歎

君不見柏梁臺今日丘墟生草萊君不見阿房宮寒雲  
澤雉棲其中歌妓舞女今誰在高墳壘壘滿山隅長袖  
紛紛徒競世非我昔時千金軀隨酒逐樂任意去莫令  
含歎下黃壚

君不見水上霜表裏陰且寒雖蒙朝日照信得幾時安  
民生固如此誰令摧折彊相看年去年來自如削白髮

零落不勝冠

君不見春鳥初至時百草含青俱作花寒風蕭索

一作條

一旦至竟得幾時保光華日月流邁不相饒令我愁思  
怨恨多

諸君莫歎貧富貴不由人丈夫四十彊而仕余當二十  
弱冠辰莫言草木委大雪會應蘇息遇陽春對酒叙長  
篇窮途運命委皇天但願樽中

一作金樽

九醞滿莫惜牀頭

百箇錢直須優游卒一歲何勞辛苦事百年

同前

僧寶月

君不見孤雁關外發  
酸嘶度楊越  
空城客子心腸斷  
幽閨思婦氣欲絕  
凝霜夜下拂羅衣  
浮雲中斷開明月  
夜遙遙徒相思  
年年望望情不歇  
寄我匣中青銅鏡  
倩人為君除白髮  
行路難行路難  
夜聞南城漢使度  
使我流淚憶長安

同前四首

吳均

洞庭水上一株桐  
經霜觸浪困嚴風  
昔時抽心曜白日

今旦卧死黃沙中洛陽名士見咨嗟一剪一刻作琵琶  
白璧規心學明月珊瑚映面作風花帝王見賞不見忘  
提攜把握登建章掩抑推藏張女彈殷勤促柱楚明光  
年年月月對君王遙遙夜夜宿未央未央綵女棄鳴篳  
爭先拂拭生光儀茱萸錦衣玉作匣安念昔日枯樹枝  
不學衡山南嶺桂至今千載猶未知

青瑣門外安石榴連枝接葉夾御溝金墉城西合歡樹  
垂條照綵拂鳳樓遊俠少年游上路傾心顛倒想戀慕

摩頂至足買片言開胸滙膽取一顧自言家在趙邯鄲  
翩翩舌杪復劒端青驪白駁的盧馬金羈綠控紫絲鞶  
蹀躞橫行不肯進夜夜汗血至長安長安城中諸貴臣  
爭貴儒者席上珍復聞梁王好學問輕棄劒客如埃塵  
吾丘壽王始得意司馬相如適被申大才大辯尚如此  
何況我輩輕薄人

君不見西陵田從橫十字成陌阡君不見東郊道荒涼  
蕪沒起寒烟盡是昔日帝王處歌姬舞女達天曙今日

翩妍少年子不知華盛落前去吐心吐氣許他人今旦  
迴惑生猶豫山中桂樹自有枝心中方寸自相知何言  
歲月忽若馳君之情意與我離還君玳瑁金雀釵不忍  
見此便心危

君不見上林苑中客冰羅霧縠象牙席盡是得意忘言  
者探腸見膽無所惜白酒甜鹽甘如乳綠觴皎鏡華如  
碧少年持名不肯嘗安知白駒應過隙博山鑪中百和  
香鬱金蘇合及都梁逶迤好氣佳容貌經過青瑣歷紫

房已入中山馮后帳復上皇帝班姬牀班姬失寵顏不  
開奉帚供養長信臺日暮耿耿不能寐秋風切切四面  
來玉階行路生細草金鑪香炭變成灰得意失意須更  
頃非君方寸逆所裁

同前二首

費昶

君不見長安客舍門倡家少女名桃根貧窮夜紡無燈  
燭何言一朝奉至尊至尊離宮百餘處千門萬戶不知  
曙唯聞啞啞城上烏玉闌金井牽轆轤丹梁翠柱飛屠

一作流

蘇香薪桂火炊雕胡

一作彫苽

當年翻覆無常定薄命

為女何必麤

君不見人生百年如流電心中坎壈君不見我昔初入

椒房時詎減班姬與飛燕朝踰金梯上鳳樓算下瓊鉤

息鸞殿柏臺

一作梁

晝夜香錦帳自飄颺笙歌膝

一作席

上

吹琵琶陌上桑過蒙恩所賜餘光曲沾被既逢陰后不

自專復值程姬有所避黃河千年始一清微軀再逢永

無議蛾眉偃月徒自妍傅粉施朱欲誰為不如天淵水

中鳥雙去雙歸長比翅

同前

王筠

千門皆閉夜何央百憂俱集斷人腸  
探揣箱中取刀尺拂拭機上斷流黃  
情人逐情雖可恨傷畏邊遠乏衣裳  
已綵一蛩催衣縷復擣百和薰衣香  
猶憶去時腰大小不知今日身短長  
襖褙雙心共一袂柏複兩邊作八撮  
襟帶雖安不忍縫開孔裁穿猶未達  
胸前却月兩相連本照君心不照天  
願君分明得此意勿復流蕩不如先

含悲含怨判不死封情忍思待明年

同前

盧照隣

君不見長安城北渭橋邊枯木橫槎卧古田昔日含紅  
復含紫常時留霧亦留烟春景春風花似雪香車玉輦  
恒闌咽若個遊人不競攀若個倡家不來折倡家寶袂  
蛟龍帔公子銀鞍千萬騎黃鸝一向花嬌春兩兩三三  
將子戲千尺長條百尺枝丹桂青榆相蔽虧珊瑚葉上  
鴛鴦鳥鳳凰巢裡雛鵝兒巢傾枝折鳳歸去條枯葉落

狂風吹一朝零落無人問萬古摧殘君詎知人生貴賤  
無終始倏忽須臾難久恃誰家能駐西山日誰家能偃  
東流水漢家陵樹滿秦川行來行去盡哀憐自昔公卿  
二千石咸擬榮華一萬年不見朱脣將白貌惟聞素棘  
與黃泉金貂有時須換酒玉塵但搖莫計錢寄言坐客  
神仙署一生一死交情處蒼龍闕下君不來白鶴山前  
我應去雲間海上邈難期赤心會合在何時但願堯年  
一百萬長作一作與巢由也不辭

同前

張紘

君不見溫家玉鏡臺提攜把握九重來君不見相如綠  
綺琴一撫一拍鳳凰音人生意氣須及早莫負當年行  
樂心荆王奏曲楚妃歎曲盡歡終夜將半朱樓銀閣正  
平生碧草青苔坐蕪漫當春對酒不須疑視日相看能  
幾時春風吹盡鶯初至此時自為稱君意秋露萎草鴻  
始歸此時衰莫與君違人生翻覆何常定誰保容顏無  
是非

同前五首

賀蘭進明

君不見崑下井百尺不及泉君不見山上蒿數寸凌雲  
烟人生相命亦如此何苦太息自憂煎但願親友長舍  
笑相逢莫吝杖頭錢寒夜邀歡須秉燭豈得空思花柳  
年

君不見門前柳榮曜暫時蕭索久君不見陌上花狂風  
吹去落誰家誰家思婦見之歎蓬首不梳心歷亂盛年  
夫婿長別離歲暮相逢色凋換

君不見荒樹枝春花落盡蜂不窺君不見梁上泥秋風  
始高燕不棲蕩子從軍事征戰蛾眉嬋娟空守閨獨宿  
自然堪下淚況復時聞烏夜啼

君不見雲間月暫盈還復缺君不見林下風聲遠意難  
窮親故平生欲聚散歡娛未盡樽酒空自歎青青陵上  
柏歲寒能與幾人同

君不見東流水一去無窮已君不見西郊雲日夕空氣  
氤羣雁徘徊不能去一雁悲鳴復失羣人生結交在終

始莫為升沉中路分

同前

崔顥

君不見建章宮中金明枝萬萬長條拂地垂二月三月  
花如霰九重幽深君不見豔彩朝含四寶宮香風吹入  
朝雲殿漢家宮女春未闌愛此芳香朝暮看看去看來  
心不忘攀折將安鏡臺上雙雙素手翦不成兩兩紅妝  
笑相向建章昨夜起春風一花飛落長信殿長信麗人  
見花泣憶此珍樹何嗟及我昔初在昭陽時朝折暮折

登玉墀祇言歲歲長相對不寤今朝遙相思

樂府詩集卷七十